



# KOMMUNE KUJALLEQ

[allattoqarfik@kujalleq.gl](mailto:allattoqarfik@kujalleq.gl)

Nanortalik Qaqortoq Narsaq

## Qallunaatuumiit kalaallisuunngortitaq

---

uunga/Til:

Inuusutissarsiornermut, Niuernermut, Aatsitassanut, Inatsisit Atuutsinneqarnerannut  
Naligiissitaanermullu Naalakkersuisoqarfik

[mlsa@nanoq.gl](mailto:mlsa@nanoq.gl)

Nuuk

Journal nr.

Allagaq/brev nr.

Suliarinnittoq/  
Sagsbehandler: Sten Lund

Ulloq/Dato: 1. marts 2024

Uunga.: Avatangiisinut kiisalu Inuiaqatigiinnut Sunniutissanik Nalunaarusiat tusarniutigineqarnerannut akissutit MIN 2003-05 / MEL 2006-10

Avatangiisinut kiisalu Inuiaqatigiinnut Sunniutissanik Nalunaarusianut Kommune Kujalleq makkuninnga oqaaseqaatissaqarpoq.

Avatangiisinut Sunniutissanik Nalunaarusiaq

Aatsitassanik qalluinermi avatangiisitigut piumasaqaatinik suliariniakkap malinniffiunera Kommune Kujallermit takuneqarsinnaavoq. Taamaappoq suliarinneqqaarnermi, aatsitassarsiorfimmi, nittaattarnerani siallertarneranilu erngup kaajalukaartinneqarnerani, erngup mingunnik akoqarneranik misissuisarnerni, kiisalu aatsitassarsiorfiup matuneqarnerata kingorna eqqaaviit isumannaarsarneqarneranni.

Missingersuusiat tunngavigalugit aatsitassarsiorfiup piunerani ukiuni tallimani siullerni qaartiternerlukut 750.000 tonsit pilersinneqassasut naatsorsuutigineqarpoq. Qaartiternerlukut sullularineqarsimasunut toqqorterneqassapput.

Missingersuusiat tunngavigalugit naatsorsuutigineqarpoq aatsitassarsiorfiup piunerani ukiuni tallimani siullerni kuulti 6-7 tons tunisassarineqassasoq akuiagassanit 540.000 tonsiusunit pisoq. Taamaalilluni akuiarnerlukut 540.000 tons sinnerutissapput. Akuiarnerlukut ilarpaalui akuiaviiup eqqaani qooqqumut toqqorterneqassasut pilersaarutigineqarpoq.

Ajornangippat aatsitassarsiornikkut sullularineqartunut akuiarnerlukut toqqorterneqarnissaat periarfissaqassava. Nalunami aatsitassarsiorarnikkut, akuiagassallu tamarmi aallarunneqartarneratigut inissamik annertuumik pilersitsisoqartarsimavoq akuiarnerlukunik ilioqqaavigineqarsinnaagaluartunik. Taamaammat akuiarnerlukut 540.000 tonsiusut nunap iluanut ilioqqarneqarsinnaasutut takorloorneqarsinnaagaluarput.

Aatsitassarsiorfiusimasut avatangiisitigut misissuiffigineqartarneranni paasinarpoq qaartiternerlukut qaqqap sivingaminut ilioqqarneqartarnera annerusumik innarliineq ajortoq. Matumanissaaq tamanna ajornassanngila?

Allaatigisat tamarmik qaatiguuliorneqartassapput Kommuni Kujalleq inunntut ataasiakkaanut pinnagit

Akuiarnerlukunik qooqqumut ilioqqaasoqarpat “qaqorsaait sinnikui” kiisalu puttallartitsinermut sulfidit sinnikuinik seerisoqassava taamalu eqallut kuummit tassannga nujoqqatsinneqassallutik? Aatsitassarsiornerup nalaaniinnaangitsoq aammali aatsitassarsiorfiup matunerata kingorna?

Uumasut, pingaartumik umimmaat aatsitassarsiorfiup eqqaaniittut malinnaavigineqarneratigut sukumiinerusunik misissuisoqarnissaanik kommune soqutiginnippoq.

Eqqagassalerineq / ikuallaasarneq eqqarsaatigalugit inoqarfinni ikuallaanerup akuerisaannginnera pillugu tamanut atuuttunik aalajangersakkat innersuussutigineqassapput. Namminersorlutik Oqartussat nalunaarutaat 7. januar 2021-imeersoq innersuussutigineqarpoq.

Inuiaqatigiinnut sunniutissanik nalunaarusiaq

Kuultisiorfiup ammarneqarneratigut inuussutissarsiornermut suliffissaqartitsinermullu periarfissaqassusia Kommune Kujalliup takusinnaavaa. Aatsitassarsiornermi suliani tamani sulisut nunaqavissut, kiisalu suliffeqarfiit kujataaneersut sullissinermut / sulinermut pitsaanerpaanik periarfissaqartitaanissaat pingaaruteqarluinnarpoq, soorlu sulisussarsiornermi, piginnaasanik ingerlatitseqqinnermi / ineriartortitsinermi, assartuinnermi angallassinermilu, entrepenøritut suliassani, teknikkimi atortorissaarutinilu, pilersuinnermi pingaartumik nioqqutissanik najukkameersunik, sulisut najugaeqarfianni sullissinermi.

Sulisut avataaneersut taavalu sulitu najukkameersullu kiisalu aatsitassarsiorfiup eqqaani inuiaqatigit naapittarumaarnissaat kommunip ilisimaaraa. Kulturikkut inuillu akornanni peqqinnartumik paarlaasseqatigiittoqartarnissaa kommunip neriuutigaa.

Tamatuma saniatigut aanngajaarniutinik inerteqqutaasunik eqqussisoqarsinnaanera atuisoqarsinnaaneralu eqqumaffigeqquneqarput, pingaartumik doping aammalu aanngajaarniutit eqqarsaatigalugit. Tamatumuunakkut erseqqissumik politikkeqartoqarnissaa pingaaruteqarpoq, taannalu inunnut tamanut ullut tamaasa imaluunniit ilaannikkooriarlutik aatsitassarsiorfiliartartunut atuutissaaq.

Attaveqaasersuutit eqqarsaatigalugit Nanortalimmi umiarsualivinnik Amaqqup pisariaqartitsinera, kiisalu pisariaqartitat naammassineqarnissaat eqqarsaatigalugu naleqqusaaratarsinnaanermut periarfissat kommunip soqutigai.

Ataatsimut isigalugu piareersarnermi Amaqqup suleqatigineqarnera Kommune Kujallermiit pitsaasutut isigineqarpoq, kiisalu piaarnerup matusinerullu nalaani tamarmi suleqatigiinnerup suli pitsaanerujartornissaanik kissaateqarpoq.

Inussiarnersumik inuulluaqqusillunga  
Venlig hilsen / Best Regards

Sten Lund  
Inuussutissarsiornermut Allatsi  
Kommune Kivalliq